

經部

欽定四庫全書

日講四書解義養十二

經部

群校官宗人府府丞臣實光蘇

刑部即中野水椿覆勘

校對官學正臣李 覆校官無言士臣徐立綱 **腾銀監生臣儲夏書** 嚴

次已四年上 在立身果於死生利害之關幽明始終之 一日講論語解義 面觀其大節也子張曰士之

金号巴尼石 謂之士也矣兹數者為士脩已之大開可以對明廷 之念至於祭祀則思敬以追遠而恪将其如在之誠 居喪則思哀以慎終而極致其思慕之為光明俊偉 無瞻顏之心見財利則思義之當得與否絕無苟且 心勘透不但可以驗學問之純亦可以徵品行之為 今之為士者若能見危難則委命以赴公家之急絕 外行既極其剛方仁孝誠敬內行復極其愷摰其可 而質寤寐亦國家取士之大法将以敦氣節而勵

曰理得乎心謂之德德必執而後有守執必宏而後 而後無惑信必篤而後不移若使既信從乎道而鋭 之功是能執而不能宏也理所當然謂之道道必信 有成岩使既執持其徳而輕喜易足不復加以擴充 張曰執徳不弘信道不篤馬能為有馬能為亡 可以衡量天下之士哉 能若不務立乎其大徒拘拘於小庶曲謹之行是豈 こうらとう 章書見為學者存乎量之廣而志之堅也子張 /日講論語解義

多定四四 全意 為當世重馬能為有無是人不足為當世輕又馬能 始怠終不復操以堅忍之志是能信而不能篤也夫 能始事善於信終事善於執則知之真行之力卓然 而道無由以進是人也将終無所成就有是人不足 不宏則所執者小而德無由以新不篤則所信者虛 為無乎盖為學之道知與行而已有所得而執之太 為斯世可有不可無之人而吾道庶幾其有托也否 則行未盡有所聞而信之不寫則知未深故學者

回可者與之其不可者拒之子張曰異乎吾所聞君子 容我之不賢與人将拒我如之何其拒人也 尊賢而容眾嘉善而幹不能我之大賢與於人何所不 子夏之門人問交於子張子張曰子夏云何對曰子夏 則泛泛悠悠迄無成就亦何屬於得失之數哉 於擇交也嚴子張才髙意廣而於納交也泛是以雨 章書見两賢論交之異也皆子夏萬信謹守而

とこうらいま

一日講論語解義

賢論交所見遂各不同子夏之門人問交道

金牙四屋有電 吾平日之所聞吾聞君子之交於人之才德出衆者 則尊禮之至於庸衆之人亦舍容而不棄於人之有 善可取者則嘉與之至於不能之人亦矜憫而不絕 子之所拒也且吾反已而觀拒之之說無論我之賢 於已是可者也則與之交其人無益於已是不可者 不特可者為君子之所與即不可者亦未當為君 )則拒絕之子夏之說如此子張曰子夏此言異平 張曰汝師子夏云何門人對曰子夏曰其人有益

為也 アニコーシーラ 日請論語解義 于夏曰雖小道必有可觀者馬致遠恐泥是以君子不 濫得拒之意而善用之使不至於刻得客之意而善 用之使不至於流交道庶其無繁哉 如之何其能拒人也盖拒則隣於太迫容則幾於太 與不賢皆非可施之於交也我果大賢與於人何所 不容而何必拒人我果不賢與則人将先拒乎我而 章書見君子擇術之嚴也子夏曰道之散著於

多近四月全書 生而資世用未必無可觀者馬獨是能於此者或不 通者矣是以君子以正心脩身為務使愈遠而愈通 能於彼在百家衆技猶未可以相無而况聖賢治平 皆由聖人之創造而各有一事一物之理以之濟民 而於此小道有不為也盖惟有所不為斯無不可為 之大界乎当推而極之天下國家之遠恐有室而難 /紫而治於人道之小者也然雖偏曲之小道其始 下者無窮正心脩身以治人道之大者也專一

子夏曰日知其所亡月無忘其所能可謂好學也已 ついろし ここう 心於其大者則大者舉而小者亦可不廢也故凡為 君子者存乎其所用心爾 不守所已然若此者殆鶩乎學而未能好者也有能 衛始徹終雖至技能之末未 當不可偶一試之然用 君子一身内而性命之微外而經綸之業體用全備 /為學始患其因循而不求所未至繼患其怠棄而 章書是子夏示人以心學之功也子夏曰凡人 日壽向吾屛長

多定四库全書 所亡則功愈進而日益無忘所能則德愈積而日新 以為念而知其所亡更於每月之中審乎已所從事 此時則心常存而不放業日廣而有功古人所以務 於每日之中審乎已所從事而未有得者切切馬深 而既有得者兢兢馬水以自持而無忘其所能夫知 之時皆學時也誠知日有所進月有所守以期無負 北寫於向進者能之乎可謂好學也已盖人有生 敏惜寸陰不敢有一毫之間怠也

子夏曰博學而篤志切問而近思仁在其中矣 灰色の車 A 馬 ■ 惟無所用其心則其心遂放逸而不存耳誠能於理 者乃為學之事非求仁之事然仁人心也心存於內 使得其周詳而又思之自近不為曠遠之謀馬之四 之散著平事物者博以學之使廣其聞見而且志之 則為仁馳於外則非仁今既用心於學問志思則心 必篤不徒泛鶩以永馬理之著 乎日用者切以問之 章書是子夏示人以求仁之實功也子夏曰人 /日講論語解義

金发电压台 子夏曰百工居肆以成其事君子學以致其道 乎力行而仁自在其中矣可見聖賢求仁之道不越 不馳於外矣不馳於外則存於內者自熟矣雖未及 乎心學者從事於仁亦純其心以求之可耳 事何以成惟居於官府造作之肆耳目之所接在是 效如百工各執一技若遷於異物而不專務其業則 吾人凡有所為必志向有定功力克純而後可以獲 章書是見君子非學無以造道之極也子夏曰

見日日 A B 1 1日請論語解義 子夏曰小人之過也必文 心思之所管在是故得盡巧盡力以成其事馬君子 惟習乎窮理盡性之學一事之未知期於必知 以道自命若奪於外誘而不専用其心則道何以致 不遠人原聴人之自致而天下不皆致道之人有學 何由哉甚矣人之不可不務學也 有不學故也苟欲求盡乎道之全體非實從事於學 之未行期於必行故得日積月累以致其道馬盖道

金人口万人 自新復恐人之知其過則必曲為文飾以著其善 孰能無過知其過而改之則不至終於過矣若小 匿其非以為可掩人之耳目孰知其欲盖而彌彰也 )於過也明知有悖於理而徇於私欲不能遷善以 不以是為戒哉盖君子有過幸人 以欺已故卒流而為惡信乎過之宜改不宜文 章書是子夏為文過者戒也子夏曰人 故卒改而為善小人之 過惟恐人知而徒 知之而不敢自 へ非上

てこりえ ここう 三 子夏曰君子有三變望之儼然即之也温聽其言也厲 宜可得而親矣及聽其言也義正而詞嚴是是非 者項刻變異計之約器有三方遠而望之手恭而足 徳在躬容貌解氣各當其可故相接之時其形於身 此 重儼然有威之可畏馬以貌若此宜不可得而親矣 及近而即之心平而氣和則又見其温焉以色若此 章書是形容君子中和氣象也子夏曰君子風 1日講為吾科茂

後諫未信則以為跨已也 動定四库全書 子夏曰君子信而後勞其民未信則以為厲已也信而 備四時之宜誠中形外又何疑馬 望之即之聽之者則以為嚴然而又温温而又厲在 和故其著為形容徵為詞氣俱有以協陰陽之極而 剛柔此其所以為君子乎夫君子豈有心於變哉自 君子實不知其然而然也盖君子道全德備履中蹈 確乎其不可易則又見其厲焉不滯於聲色不偏於

則以為病已也諫君之言本非君所樂聞惟平日愛 於民而民無不信我之爱然後不得已而勞其民則 若使未信於民而勞之雖事之當勞而民不喻其心 民原其平日之爱皆知其出於不得已而無所怨矣 君子於君民之際必誠意交字而後可以有為如勞 君之意實可通之於君而君亦以是信我之爱然後 民之事本非民所樂為惟平日愛民之意實可質之 章書是子夏乐人以事上使下之道也子夏曰

V. 15.21 1.1.

门舞的恶好鬼

信與未信之間也倘以民情未字而公家急廹之役 者計則無不當以信為歸若為所勞為所諫者趨事 有待於信者理也其無待於信者勢也為勞民諫君 信而後諫将未信而終不可勞終不可諫乎非也其 當諫而君莫察其隱則以為誇已也夫必信而後勞 赴功乃其常分聽言納諫乃其正理又何容計及於 不得已而諫其君則君鑒其平日之爱深知其出於 不得已而無所嫌矣若使未信於君而諫之雖事之

多定四库全書

卷十二

九百里之上 子夏曰大徳不踰開小徳出入可也 静語默及凡事物細微皆小徳耳雖偶有出入木盡 告自古迄今有是理耶 徳所在如君臣父子之倫進退出處之節咸各得其 亦寝而不舉君志未格而蓋臣披瀝之言俱匿馬莫 正而於當然之規矩無少踰馬則本原立矣其他動 毋論大與小而莫不盡善者上也然或不能必於大 章書言人當先立其大者也子夏曰吾人一身 /日講論語解義

金牙四尾百量 子将曰子夏之門人小子當灑掃應對進退則可矣抑 遺憾斯亦不足觀也已盖觀人與治身之道不同觀 **順規折柳皆是此意盖修身克已貴乎嚴密雖須申** 累大德正未可謹於大而忽於細也魏徵諫懷鶴程 合理亦無害也若拘拘於小庶小節而於大者不無 之頃毫髮之微俱有不容放過處一或放過便虧欠 **卒體缺陥工夫先儒曰克勤小物最難信哉** 人者務得其大治身者不遺乎小書曰不幹細行終

道馬可誣也有始有卒者其惟聖人乎 之道熟先傳馬孰後倦馬譬諸草木區以别矣君子之 末也本之則無如之何子夏聞之曰噫言将過矣君子 夏之門人小子當灑掃及應對與進退之間儀節詳 其教人先從下學切近處用功子将不知其意而譏 之曰學有本有末務末而失本者非為學之要也子 章書見施教當有序也告子夏以篇實自守故

欠己の事とら 日請論語解義

習則誠有可觀矣抑此特小學之末節也其於大學

金号口匠石雪 苟不量其造詣之淺深不問其功夫之生熟而概以 其區類判然各別是以因材而授不能無分先後耳 髙且遠者強而語之則是誣之而已君子教人之道 示之也但學者所至自有淺深譬如草木之有大小 馬孰以為後而倦焉在教者之心固無不欲徧物而 而歎曰噫言将過矣君子教人之道孰以為先而傳 正心誠意之本務則無有如之何其可哉子夏聞之 馬可經也彼灑掃應對小學之始事也正心誠意上 卷十二

子夏曰仕而優則學學而優則仕 所難忽而亦事之所當先者與 者惟聖人為然若以此責之門人小子不失其序平 有大小則教不可凌躐而施故灑掃應對母論理之 盖事有大小理無大小無大小則學不可馳騖而進 夏曰仕要於稱職學主於進脩二者理實相資而事 學之終事也合始終而一貫不俟積漸而遂極其至 一章書見仕與學當先盡其事而後及其餘也子

とこりをという

日講論語解義

金分四月全書 聞見而迪其才能庶幾更有裨於仕也若仕未優而 學則於仕為曠官矣雖學亦何為乎當學之時致知 凡學者以先追勉不遑務深造乎知行之極自是而 以窮其原力行以踐其實學則有學所務盡之功故 期各盡當仕之時大君責其報政小民望其有為仕 **須乎君民之意自是而有餘力則益勵乃學以益其** 有餘力則始出而仕以措其經綸而廣其利濟庶幾 則有任所應盡之職故凡仕者必先夙夜匪懈求不

子将回丧致乎哀而止 クス・ラース ニトラ 得矣 仕亦奚益乎盖學而後仕盡人知之既仕而猶不忘 學之人而用之則道德之真儒經濟之實効庶幾両 則學夫已仕者尚不可不學則未仕者必學優而後 得以展所學也若學未優而仕則於學為廢業矣雖 可仕明矣人主任官授職必得夫學而後仕仕不廢 乎學則人所易忽也故子夏首為仕者告以仕而優 日清為海群美

多定匹庫全書 子将曰吾友張也 節文亦不可廢子将特為專事乎文者言耳豈真欲 致之以至乎其極如是而止安事文飾乎哉盖哀既 有餘則禮雖不足無傷也要之喪固貴於哀而禮之 其實矣以吾觀之人子執親之丧但能於哀痛之誠 文質相須而居丧尤人子之大節徒尚文而畧質失 廢文也與 章書是子将示人以崇本之意也子将口凡事 )為難能也然而未仁

次已日事亡与 一日請論語解義 易不反而圖乎切近者耶由此知求仁之道惟**專**事 近裡為喫緊工夫 甚威文采可觀亦君子之所不許也故學者以鞭辟 乎内者乃可有成若不事乎内而徒鶩乎外雖功名 之德少惻怛則無以全乎愛之理其於仁則猶未也 張獨為之是為難能也然而少誠實則無以全乎心 者肆於內吾友張也有過萬之才人所不能為者而 章書見子将規朋友之義也子将曰心馳於外 十四

曾子曰堂堂乎張也 金牙巴左右 此 也徒用心於 威儀容貌之文而於已無體認密察之 然以寫實為務者乃可相助有成若堂堂乎張 於心惟求之至近而脩其在内者為足以幾之 章書是曾子救子張之失也曾子曰友所以輔 へ無 .者寕内有餘而外不足勿外有餘而內不 切偲觀感之助盖難與之共為仁矣夫 剛毅木讷近仁 難與並為仁矣 卷十二 . 則聖人之

曾子曰吾聞諸夫子人未有自致者也必也親丧乎 欠己可和公島 時哀痛迫切發乎至情乃能內盡其誠外 **嘗聞之夫子人之一心本自真純惻怛尚能隨事盡** 情遷物誘失其本心未有能自推致者也必也父 心則心之所至力亦隨赴自有不容已者然人往往 一丧乎盖父母天性之戚而又當不幸大故居丧之 章書是曾子使人自識其良心之意曾子曰吾 日講論語解義 十五

曾子曰吾聞諸夫子孟莊子之孝也其他可能也其不 金分四屋有書 間無 處觸發隨處充滿雖仁育天下無難也 此 物誘所能奪也誠能即此心而推廣之人 待勉強無少遺憾此良心發見至真至切固非情 卿名速其父孟獻子 臣與父之政是難能也 章書是曾子引言孟在子繼述之孝也在子魯 念之不實無 一事之 相魯有賢德曾子曰有家雖 不盡親親仁 倫物理之

欠己日中人 惟求舊詩曰不愆不忘率由舊章曾子之言豈但為 明以亂舊法世濟其美不泰前人是為難能也莊子 之能立身行道顯親揚名光纘先業者以此書曰人 事畧無更改不敢適已自便樹私人以間老成作聪 皆賢臣所行之政皆善政在子於父没之後繼志述 事死矣致愛致怠人猶可能也惟是獻子所用之臣 計其道則一 與有國不同然其培養人材建立法度以為子孫之 吾當聞諸夫子孟莊子之孝也其他生 日講論語解義 ナ六ー

孟氏使陽膚為士師問於曾子曾子曰上失其道民散 金云口四名書 明慎之要以求情法之平也曾子教之曰先王之 師治獄官名孟氏使陽膚為士師來問曾子盖欲得 有家訓哉推而廣之治國平天下不外乎此矣 之生業厚上 如得其情則哀於而勿喜 書是曾子教人恤刑之意陽庸曾子弟子 )教化脩民既足於仰事俯育而

1. 7. 1. 始也以上之失道至於民心離散不相顧恤繼也以 **無獄之不辜乎若以發奸摘伏沾沾自喜非仁** 致此之由縱不可曲法以庇民能勿惕然深省哀 而起為士師者尚得其犯法之情實則當原其所以 民心離散至於忿争傾奪告計無已獄訟繁多因之 饑寒所迫救死而不膽 者寡漸至刑指不用也今也上 /用心也曾子之告陽膚如此雖然陽膚一 日清為吾好長 則禮義消亡捍網而不知 其教養之道

動定匹库全書 天下之惡皆歸馬 子貢曰紂之不善不如是之甚也是以君子惡居下流 且使治獄之吏雖疾痛惨怛而束於文法莫可奈何 it 一者何以使百姓有迫於不得已陷於不自知之事 如使百姓豐衣足食向風從善自不犯法之為愈 民之生死科條具在不得意為出入也獨計為民 章書是子貢借紂以警戒後人之意子貢曰古

人で りか ハトラー 易時時省察在在制防誠恐忽不及持一陥身於下 然也可見天下善惡兩途如氷炭之不相入苟以善 雖欲卻之其道無由是以君子知上達之難下流之 善之名悉歸之譬如地形卑下之處衆水於此鍾聚 流則凡天下敗名失檢棄理畔義之事盡以歸之至 不如言者之甚也盖因紂當日為惡彰著故天下不 於獨家惡聲不可解免亦其所處汙下有以致之使 **쑤言淫虐無道者莫過於約以予觀之紂之不善殆** 日講論語解義

也人皆仰之 金河四周台灣 子貢曰君子之過也如日月之食馬過也人皆見之更 堯舜之道不難矣 聖人孰能無過過而能改善莫大馬常人憚於改過 小而弗為以惡小而為之積而不返遂成不可復回 之勢惟知之明斷之勇謹小慎微塞源拔本以入 章書是子貢勘人改過遷善之意子貢曰人 -這便多方掩飾惟恐人知是重其過也君子 非

當不知知則必改以省察刻勵為先以因循隐敬為 脩業未有不由此也 復圓貞明之體容光必照人皆得而仰之也是以君 子平時反身克已常求無過倘檢攝不到而有過未 我如成湯之改過不各子路之聞過則喜聖賢進德 **虧缺人皆得而見之及其知過即改亦如日月虧而** 有過不妨昭示於人絕不隱諱如日月之食馬分杪 公孫朝問於子貢曰仲尼馬學子貢曰文武之道木

とこるら こよう

日請論語解義

十九一

墜於地在人賢者識其大者不賢者識其小者莫不有 金完四月全書 文武之道馬夫子馬不學而亦何常師之有 去今已遠猶未至墜落於地不可講求固在人也世 無所不知果馬從受學而能之乎子貢晚之曰帝王 之道備於文武其一代謨烈文章禮樂政教之類雖 有識見宏遠之賢者則能佩服考訂而識其大綱其 大夫問於子貢曰仲尼於天下事事物物博聞廣見 ,章書是子貢言孔子憲章文武之學公孫朝衛

次已日年 在上 一日請論語解義 有常主者其大小遠近不侔矣書曰德無常師主善 也不賢者識小則從而學其小者是謂夫子并師不 烈且接竟舜以來之心傳較之他人之學有定在師 賢亦可也而亦何常師之有哉此不獨紹文武之誤 所在賢者識大即從而學其大者是謂夫子師賢可 馬吾夫子憲章文武故文武之道所在即夫子之學 之賢不賢雖不同而識大識小莫不有文武之道存 識見淺近而不賢者亦以傳聞習見而識其節目人

之富得其門者或寡矣夫子之云不亦宜乎 告子貢子貢曰譬之宮牆賜之牆也及有窺見室家之 好夫子之牆數仞不得其門而入不見宗廟之美百官 叔孫武叔語大夫於朝曰子貢賢於仲尼子服景伯以 多分口屋 白雪 反約之本信乎為萬世聖學之模範也與 文考獻好古敏求無非博求義理之無窮以為折東 為師以孔子生知之聖尚且問禮老時問官郯子 章書是子貢尊聖人之意叔孫武叔子服景伯

とこうシュンニー 識有限墙之高不過及肩凡室中所有一器一物有 目者皆能循覽而得之若夫子之墙高至於數仍體 决叔孫之言非但不知夫子並不知賜矣試以人所 聞此以告子貢子貢曰人之淺深固不可以懸望而 易晓者喻之其譬諸宫之有墙乎賜也造詣未深才 我觀之子貢之才辨博達殆更過於仲尼子服景伯 日叔孫武叔語大夫於朝曰人皆稱仲尼為聖人以 皆曾大夫背孔子道大德全魯人莫或窺其底蘊 日清為吾科義

叔孫武叔毀仲尼子貢曰無以為也仲尼不可毀也他 墙而已其中宗廟之美百官之富禮樂制度損益乎 得夫子之門者或寡矣見賜易而見夫子難則必至 知聖岩武叔者又烏足怪哉 輕視大子而重視賜叔孫所云不亦宜乎子貢深折 百王政事文章黼黻乎萬世又孰從而見之哉是則 勢崇峻莫究莫殚尚非得其門而入馬則亦徒為面 其人之失倫而更惜其所見之不遠也從來惟聖

欠己日草公言 人之賢者丘陵也猶可踰也仲尼日月也無得而踰馬 雖欲自絕其何傷於日月乎多見其不知量也 之賢者如丘陵然自平地觀之雖有差殊然其所至 彼其道德高深冠絕千古固不可得而毀也盖他人 流俗之誇毀而重仲尼則非流俗之可得而輕重者 言仲尼不及子貢至是又復毀之子貢曰彼無用此 為也人之分量不同或以流俗之毀謗而輕或更以 一章書是子貢深責武叔之毀聖也叔孫武叔前 一日請論語解義

金写口尼台書 教然聖人磨而不磷涅而不繼日月高明之體必不 尚未峻絕更有高乎此者則得而踰之矣至於仲 徒戒其不當毀正明其毀之無益可謂曉之深而責 於聖凡萬下惛然莫辨徒為庸安人耳子貢言此非 能抑之使卑則於聖人曾何虧損祗見其不知分量 踰越之乎総有庸陋無識之人欲自棄絕於聖人之 如日月然萬物皆在其照臨之下孰得加於其上 切矣夫道,益髙則謗益重聖人尚不能免况其他 一两

欠こ可しいう 所謂立之斯立道之斯行綏之斯來動之斯和其生也 陳子禽謂子貢曰子為恭也仲尼豈賢於子乎子貢曰 祭其死也哀如之何其可及也 之不可及也猶天之不可陷而升也夫子之得邦家者 難名及門之士如陳子禽者雖親矣聖教尚未能 言以為知一言以為不知言不可不慎也 章書亦子貢知聖之深尊聖之至也皆孔子道 日講論語解義

多方四角全書 子乎子貢斥之曰子何言之過也夫君子一言而當 即成其為知一言不當即成其為不知知與不知關 為不可及此特推遜其師為恭敬耳仲尼豈果賢於 綎道冠百王大而化聖而神有非思勉所能至者殆 之甚矣子之意豈以夫子為可及乎吾夫子聖由天 升堂入室一日 謂子貢曰子於平日每尊崇仲尼以 言之間言不可以不慎也子為此言亦不知 輕清成象不可以階梯之具攀躋而升也惟 卷十二

とこううここう 撫循而遠至過安也動之斯和一為鼓厲而時雜於 量哉是即所謂立之斯立爱養方施而民生已遂也 事功使或得邦家而治之其過化存神之妙豈可意 變也其生也榮凡有血氣莫不尊親其死也哀遏家 夫子窮而在下故有非常之道德而不見其非常之 正如天之顯仁藏用萬物自生自成於其中而不知 音如喪考此也其徳化感人之速入人之 /斯行教化未過而民性已復也綏之斯來一 日青向吾解義

劉克四库全書 漢唐舍誦法孔子其何道之從哉 萬世而無窮有天下者誠欲體堯蹈舜駕三代而軼 代帝王從之則治逆之則亂立道綏動之效傳之 月大治亦小試行道之端退而刑定六經修明先聖 所以然也如之何其可及乎子之言亦不知之甚矣 子貢之語子禽者雖未然之事然當時孔子相魯三 之道法凡修身齊家治國平天下之要莫不備具後 堯曰第二十

禄永終舜亦以命禹 堯曰咨爾舜天之歷數在爾躬允執其中四海困窮天 ス・ラー 道以安天下之民而後克永享禄位爾宜廓然大公 位於虞舜其戒命之詞曰咨爾舜自古天位相傳之 門人相授受者亦不外乎此也記者曰告唐堯将禪 天之歷數已属爾身矣然天位維艱命不易保必有 次第猶歲時節氣之先後是謂歷數今爾德當天心 章書是記者歷叙帝王相傳之道以見孔子與 1月青角吾年長

多定匹库全書 亦以允執厥中命之其間雖有人心道心惟精惟 亂四海困窮而怨叛将作爾所受於天之禄位亦永 常保矣尚不能執中而凡事狗一已之偏則政華民 始至終信能執守而不失馬則民心悦安而天禄可 終而不可復享矣可不戒哉其後虞舜禪位於夏禹 心無偏倚凡萬幾之來因時順應皆以中道處之自 訓無稽勿聽勿詢勿庸之詞無非所以發明竟 言非有異也夫以堯舜禹三大聖人其授受之際

罪在朕躬 赦帝臣不敬简在帝心朕躬有罪無以萬方萬方有罪 標准哉 小子履敢用女壮敢昭告于皇皇后帝有罪不敢 嚀告戒不過如此則執中也者豈非萬世人君之

尺三日年 1.十方

一日講論語解義

二十六

思数者商湯也湯既伐桀而作誥以告諸倭先迹其

節書是述湯告諸侯之辭也記者曰繼禹而膺

初請命於帝而代桀之詞曰予小子履敢用黑色之

金分口屋 全書 牡牲敢昭告於皇天后土之神今夏桀有罪已必討 其責任尤有重焉者盖天以萬方臣無付之於我則 自任其私意乎予之初請命者如此今既為天子矣 萬方小民何預馬若萬方臣無得罪犯法是已所以 朕躬若有過舉而得罪是已不能奉若天道而致之 敬盖其罪其賢皆簡閱在上帝之心已安敢違之而 表率撫馭者未得其道其罪無可該矣爾諸侯其共 之而不敢赦天下賢人皆上帝之臣已必用之而不

繼絕世舉逸民天下之民歸心馬所重民食喪祭 周有大齊善人是富雖有周親不如仁人百姓有過在 舉出於天觀其告諸侯之詞見天下之責在於已承 與 五節書皆述武王之事也記者曰繼湯而膺歷數 此湯告諸侯之辭也觀其請命之辭則代祭 謹權量審法度脩廢官四方之政行馬與滅國 ,民慄慄危懼視三聖之執中殆異世而同符也

とこうころへこう

日講論語解義

ナヤ

伐紂有必克之理矣今我既獲仁人若不往正其罪 周家臣子皆仁厚有徳之人同心同徳而可恃也是 有曰紂雖有至親億萬之多然皆離心離德不如我 者周武王也武王初克商時即反紂之所為散歷臺 則百姓嗟怨歸罪於我之一身盖謂百姓畏紂之 示激勸其賞善之公如此當其伐紂之初誓師之詞 之財發鉅橋之栗大麥於四海而萬姓悦服然非 (而富之也惟有功德之善人則加厚而是富焉以

金好四月有書

钦定四事全書 一日請論語解義 則重新修理使在官百職一時盡舉無復向日顏廢 皆審而定之使合義理之當然有官職廢墜不舉者 謹而較之使歸中正之則而官府不得以侵漁民問 暴為已任如此又紂之時權量無准法度咸原百官 不得以欺詐若禮樂制度凡可損可益可因可革者 不職武王既定天下於是取權之輕重量之大小皆 望周之深而責武王不拯已於水火之中也其以除 之患由是王章所布在在遵守而四方之政無有壅

武王行之由是德意所被人人欣戴而天下之民無 在下者則舉用馬使野無遺俊三者皆人心所欲也 使綿其宗祀又釋箕子之囚復商客之位賢人隱逸 以與之使享有國邑世系已絕者則取支庶以繼之 過而不行者馬武王之以義正天下如此斜之時滅 封黃帝竟舜夏商之後於其國土已滅者則裂茅土 人之國絕人之世逸民播棄而不用武王方有天下 不傾心而歸向焉武王之以仁感天下如此至於加

次定四軍主書一日請論語解義 寬則得眾信則民任馬敏則有功公則說 無負上天寵綏之命也其接堯舜禹湯之中統良有 以送死祭以追遠之三者故制田里以厚民生定為 王之事觀之德澤周編政教脩明無非表建中德而 丧祭之禮以教民孝所以維人心而厚風俗也由武 節書是統論帝王之道也記者既歷叙堯舜禹 端而所尤重者則惟在食以養生喪

金罗巴瓦 雖不同而為治之道不外寬信敏公四者人君以天 涉文武之事因總論之曰二帝三王因時立政設施 政而内外如一則上以誠感下以誠應而民莫不倚 仗之矣庶事所以叢脞者不能勵精圖治也惟勤敏 而宵旰不遑則百度振舉所為有功矣人心所以乗 下為量惟寬以有容而包涵無外則四海度內萬物 違者不能虛衷順應也惟大公而好惡不作則舉措 體眾莫不歸附之矣出治以至誠為本惟信以行 1: :

四惡斯可以從政矣子張曰何謂五美子曰君子惠而 **盛治也夫分言之曰寬信敏公約言之不過一中而** 何難之有 費勢而不怨欲而不貪泰而不驕威而不猛 張問於孔子曰何如斯可以從政矣子曰尊五美屏 已有天下者執此中而不失以比隆於二帝三王也 合宜莫不悦服矣此四者帝王所以成唐虞三代 章書是記孔子答子張問政之言以繼帝王

久己日事 ALPS 一日請詢語解義

丰

金写口压石 斯可以居位而從政矣孔子曰治道不一 統也子張問於孔子曰君子出而用世當何所作為 美孔子曰凡施惠於人者未免有所費君子則惠而 則百姓去其害斯可以從政矣子張又問曰何謂五 則百姓蒙其福有惡而害治者四事誠能屏而絕之 所取舍而已政有美而致治者五事誠能尊而行之 者多致民之怨君子則勢而不怨既已勞民之力而 不費有益於下而無損於上其為美一也勞民之力 卷十二 一端惟在審

亦惠而不費乎擇可勢而勞之又誰怨欲仁而得仁又 欠己可見上言 君子未當無欲也而於已有所得於人無所求欲而 臨民易至於猛君子雖有威可畏也而不至於猛厲 又不拂民之心其為美二也人心有所欲易至於貪 然自得也而無一毫驕傲之意其為美四也人以威 不貪其為美三也人志意舒泰易至於驕君子雖泰 張曰何謂惠而不費子曰因民之所利而利之斯不 而難堪其為美五也凡此五美皆為政者所當尊也 一日講論語解義

馬貪君子無眾寡無小大無敢慢斯不亦泰而不驕乎 金写口屋 有量 君子正其衣冠尊其瞻視儼然人望而畏之斯不亦威 而不猛乎 但就百姓本然之生理為之區畫而已非分吾所有 知其實因問曰何謂惠而不費孔子備舉而告之曰 子因天下之利以利天下之民制其田里教之 施惠而捐已之財則費矣又安得人人而給之君 節書是詳五美之事也子張聞五美之目而未 卷十二

大足四事 Anto 一一日清論語解義 兢業自持之内非侈然自放也斯不亦泰而不驕乎 有慢易之心則應務皆當而此心自安舒矣然本之 之心行不忍之政欲者仁而得者即仁又馬貪君子 供道使民义何得而怨之欲非 其所當然則貪矣若 民必怨君子用民之力不奪民之時不與不急之務 無論人之衆寡事之大小一惟臨之以敬謹而不敢 以予民也斯不亦惠而不費乎勞民而不量其力則 仁覆天下之念不至無濟萬物其欲不止則以不及

司 子張曰何謂四惡子曰不教而殺謂之虐不戒視成謂 一暴慢今致期謂之賊猶之與人也出納之吝謂之 費等不怨施於人者也欲不貪泰不驕威不猛存 畏之非作威以加人也斯不亦威而不猛乎夫惠不 ]者也為政内外始終之道備矣 節書是詳四惡之事也子張又問曰何以謂 ·端正其衣冠尊庸其瞻視儼然於上人自望而

金少口居有雪

ていうら こい 從乃可加刑尚不教而遽殺其民則殘酷不仁而謂 則謂之賊至若有功當賞則斷然賞之而後足以勘 無漸而謂之暴凡有所徵求如賦稅與工聚衆之類 整理乃可責其成功尚不戒而處考其成功則急遽 刻期以急之於後是誤民而必刑之以問害其民也 必告戒諄切而後民知奉公若故意慢其令於前而 四惡孔子曰為政欲民不為惡則當素教之教而不 之虐凡有所與作則當先期告戒之使知奉行漸次 日清尚海四美

無以知人也 子曰不知命無以為君子也不知禮無以立也不知言 若均之以物與人也而於出此納彼之時運田顧惜 統孔子之為政從可知矣 為政者所為屏也記者叙此以上繼帝王執中之治 悭吝而不即予則是有司為人守財不敢自專之事 而非為政之體人不競奮圖功矣四惡之實如此皆 章書是孔子言聖學之始事也孔子曰脩身處

多定四库全書

世之道固自多端然其要有三知命知禮知言而已 見害必避見利必趣徒丧其守而陷於小人之歸矣 持身而自立矣此禮之不可不知也至於人之邪正 盖人之有生吉凶禍福皆有定命必知命而信之盡 而有以自立若不知禮則耳目手足惶感失指無以 非僻之心振惰慢之氣知之則德性堅定威儀檢攝 何以為君子此命之不可不知也至於禮者可以消 **人事以聽天乃能為君子若不知命則不顧義理而** 

次足四軍 全書 一日請論語解義

傾跌之患否則侵侵其何之矣奈何後之儒者混 格致之學先於誠正故朱子曰論輕重行為重論先 也此言之不可不知也論語以是終篇誠示人以 已處世之要道必自知入矣盖惟精之功先於惟 動因言以宣即其言語之當否可以知其心術之 正若不知言則邪正何由而辨無以知人而定取舍 知為先譬如行路目先見而後足履之底無其行 1之取舍係馬不可不知而其要在知言盖人心之 次足四事 全書 一日請論語解義 行為一途而不以講學明理為急務哉 日講四書解義卷十二 金号巴尼人 卷十二

欽定四庫全書 講四書解義卷十三

經部

詳校官宗人府府丞臣實光雜 刑部郎中許水椿覆勘

覆校官庶吉士臣徐立綱 校對官學正臣李 謄録 监生臣李思書

巖

ラシ ニュ 善關異端以王道點功利進則告於 時間教化衰微人心陷弱於是發明 愈回求觀聖人之道者必自孟子始書 马舞孟子洋夷 萬章公孫丑之徒反復論辨總 、行而其教已被於天

金定四庫全書 馬不為不多矣尚為後義而先利不奪不養未有仁而 以利吾國大夫日何以利吾家士庶人日何以利吾身 國丹孟子對曰王何必曰利亦有仁義而已矣王曰何 孟子見梁惠王王曰叟不遠千里而來亦将有以利吾 家千來之國弑其君者必百來之家萬取千馬千取百 上下交征利而國危矣萬乗之國弑其君者必千乘之 凡七篇 梁惠王章句上

改定四軍全書 日韓五子解義 遺其親者也未有義而後其君者也王亦曰仁義而已 矣何必曰利 **昔孟子抱道自重不見諸侯梁惠王卑禮厚幣以招** 者亦将有奇謀善策可以利寡人之國乎惠王此言 賢人孟子因而見之蓋為行道計也惠王一見孟子 **醬本魏侯都大梁僭稱王諡曰惠因稱之曰梁惠王** 此一章書是言為人君者當躬行仁義也梁惠王名 因問之曰臭自鄒至深遥遥千里乃不憚其遠而來

何必以利為言哉亦有仁義而已矣仁以愛人則可 害耳今王為一國之主乃大夫士庶人所則效也如 但知有利乃為已之私也孟子對曰王誠有意治國 有身者亦必籌曰何以利吾身為上者為利而謀取 尤彼大夫之有家者必籌曰何以利吾家士庶人之 王所重在利自等曰何以利吾國此端一開人皆效 之要道也奈何舍此而言利耶且王亦未知利之為 以懷保四境義以制事則可以總理萬幾此乃求治

就也千乘之國或有就其君者應非他人必是百乘 應非他人必是千乘之家以彼所利在萬故不得不 之禍不從此而起乎将見萬乘之國或有紙其君者 臣取千馬君有千乘而臣取百馬以義揆之不為不 之家以彼所利在千亦不得不就也夫君有萬乘而 多亦可以相安無事矣茍以義為後而以利為先則 乎下為下者為利而謀取乎上是上下交征也危亡

東江口事 Ainin 一人日講孟子鮮義

不知分誼之可安而惟貪肆之無已不至於弑其君

多岁也是有一 其君者有之若所好在義則敬君之念盡其當然未 未當不利也當見不仁之人存心刻薄因而遺棄其 **豈不甚可畏哉若所謂仁義似乎無益於國而其實** 有義而後其君者也人皆愛親人皆敬君則其利於 國者莫大於此寧可舍此而言利耶今王誠欲為國 仁而遺棄其親者也不義之人存心僭忒因而背慢 親者有之若所好在仁則愛親之誠出乎天性未有 而盡奪之其心固未肎餐足也利之為害一至於此

火之口与人はかり 日端五子解義 此乎孟子對日賢者而後樂此不賢者雖有此不樂也 孟子見深惠王王立於治上顧鴻鴈麋鹿曰賢者亦樂 當時之君亦習而好之自孟子願學孔子獨以仁義 啓人就奪之心哉蓋戰國之時王道衰息因孔子既 亦惟曰仁義以使人愛親敬君而已矣何必曰利徒 此言而釋思之則天德王道一以貫之矣 勉惠王而内聖外王之學遂大明於天下後世誠因 殁聖學不明故也一時遊說之徒皆以功利干進而

亡民欲與之偕亡雖有臺池鳥獸豈能獨樂哉 之人與民偕樂故能樂也湯誓曰時日害喪予及女偕 之謂其臺曰靈臺謂其沼曰靈治樂其有麋鹿魚鼈古 **亟庶民子來王在靈園應鹿攸伏應處濯濯白鳥鶴鶴** 詩云經始靈臺經之營之庶民攻之不日成之經始勿 王在靈治於初魚躍文王以民力為臺為洛而民歡樂 此一章書是欲為君者與民同樂之意孟子在梁時 往見惠王適遇王立於治上乃顧鴻鴈麋鹿問於孟

金元マでたるで

若不賢之君國亂民愁危亡将至雖有此必不能樂 徳之君使民安物阜懷息不聞而後可以常有此樂 獸亦以之為樂乎蓋惠王有慚愧之心謂賢者當不 樂子此也孟子對日臺池鳥獸之樂人有同心必賢 子曰賢徳之君必勤於正務宵旦不遑如此臺池鳥 方向而庭民即相與攻治不日之間遂以告成文王 也所謂賢者如古之文王非乎大雅靈臺之詩曰文 王始作靈臺之時方經之以審其位次營之以正其

とこりら ノンラーノ日降五子样表

**多户四月全書** 見魚之跳躍充滿於沿之中馬詩言如此夫文王用 速成而有神靈之助且樂其臺之下有麋鹿池之中 見白鳥鶴鶴而鮮潔馬囿中有治文王時在靈洛則 在靈囿則見塵鹿攸伏而不驚且濯濯而肥澤馬復 反歡樂之至稱其臺曰靈臺稱其治曰靈治若喜其 民之力為臺為治宜乎民勞而怨矣乃不以為勞而 子之趨父事馬當臺之既成而其下則有囿文王時 恐其勞民雖戒曰勿亟而庶民之踴躍而來者則如

飲定四車全書日第五子解義 故民皆愛戴乃得有此臺池鳥獸之樂也故曰賢者 由文王平日能爱養斯民使之飽食緩衣與民同樂 禁自言吾有天下如天有日日亡吾乃亡至是暴震 有魚鼈又若悦其美備而熟美之深者其故何哉蓋 平日不恤其民使之餓寒愁苦而無以自遂故民皆 之甚民皆怨之曰此日何時而亡乎若亡則我寧與 之俱亡是蓋欲其速亡也夫民而至欲與之速亡必 而後樂此若夫不賢者則觀於夏禁可知矣湯誓曰

梁惠王曰寡人之於國也盡心馬耳矣河内凶則移其 事凡以為民故文王視民如傷惠鮮懷保而臺池鳥 然獨樂哉故曰不賢者雖有此不樂也王誠與民同 獸愈可以後盛德馬若禁之瓊宮瑶臺亦惟禁愁築 樂則臺池鳥獸之樂亦何損於王哉古聖王遊觀之 怒耳樂雖同而公私仁暴不同治亂與亡亦因之各 怨之而欲其速亡也如此則雖有臺池鳥獸豈能要! 異可勿辨與

次已四年人生的 一日講孟子解我 民於河東移其栗於河內河東凶亦然察鄉國之政無 王如知此則無望民之多於鄰國也 十歩笑百步則何如曰不可直不百歩耳是亦走也曰 棄甲曳兵而走或百步而後止或五十步而後止以五 何也孟子對曰王好戰請以戰喻填然鼓之兵刀既接 如寡人之用心者鄰國之民不加少寡人之民不加多 梁惠王語於孟子曰人君治國以民食為先尤以救 此一章書見人君當盡心王道不宜以小惠自於也

就食其老弱不能移者則移河東之栗於河内以養 荒為急若寡人之治國於救荒之策可謂竭盡其心 盡心固如此偏察鄰國之政如寡人之委曲周擊而 之或河東山荒其移民移栗亦如河内之事馬我之 用心者皆無之宜乎鄰國之民盡歸於寡人矣乃鄰 而無餘矣如河内凶荒則移其少肚者於河東使之 國之民不加少寡人之民不加多其故何哉蓋惠王 以移民移栗遂自於盡心而不知非至善之策也孟

卷十三

近也或有百步而止者或有五十步而止者此時五 曳其兵器而走馬方其既敗而走固未常自計其遠 未分也及兵刃既接勝者固勝而敗者則棄其甲胄 喻可乎夫戰之時兩軍對壘填然鼓之而進勝負固 否乎惠王曰不可五十步而止者亦但不至於百步 十步者遂笑百步者而以為怯彼笑者王以為宜乎 子乃設喻以曉之曰戰鬪之事王所素好請以戰為

次在日本全事 日講五子解義

耳遠近雖有不同其為走一也何得以近而笑遠哉

食也斧斤以時入山林材木不可勝用也穀與魚鼈不 不違農時穀不可勝食也數罟不入洿池魚鼈不可勝 白ワロカノンア 可勝食材木不可勝用是使民養生喪死無憾也養生 皆非足民之計王之盡心亦猶五十步之走耳欲民 之多於鄰國不其難哉苟求其多惟力行王政而已 無望其加多於鄰國矣蓋治國貴乎足民移粟移民 孟子乃因其明而通之曰王既知此則小惠及民當

者衣帛食肉黎民不機不寒然而不王者未之有也 大三日 Achin 一日講孟子解義 之教申之以孝悌之義領白者不負戴於道路矣七十 矣百畝之田勿奪其時數口之家可以無機矣謹庠序 喪死無憾王道之始也五畝之宅樹之以桑五十者可 以衣帛矣難豚狗彘之畜無失其時七十者可以食肉 用而已如農時者五穀所自出也茍不奪其時耕耘 此二節書言治國當以王道為急也孟子又曰治國 以王政為本而王政以養民為先養民之物惟食與

金公巴門人 憾也夫民至養生喪死皆無所憾則民心已得此干 道之始事也而凡所以養之教之者可以次第而舉 物以為飲食宮室則可以養生以為祭祀棺椁則可 也如寬為滋息數罟不入其中則魚鼈不可勝食也 得以畫力則穀不可勝食也洿池者魚鼈所聚之處 山林者材木所生之地也如養其萌藥斧斤以時而 以送死不勝食不勝用是使民養生喪死無不足之 則材木不可勝用也夫穀與魚鼈材木乃食用之 卷十三

· 次定四車全書 日第五子解義 事而出絲帛則五十之非帛不煖者可以衣之而煖 矣每夫有五畝之宅而牆下則樹之以桑用以供蠶 所授百畝之田勿奪其耕耘收穫之時則穀有所出 裕烹能則七十之非肉不飽者可以食之而飽矣至 矣雞豚狗彘之畜無失其孕字之時用以蕃生育而 而一家数口之衆可以瞻養而無機矣凡此皆養民 以教也而於此益謹飭馬務使入於正而弗納於邪 之事而教民之事亦由是舉馬彼鄉學名為庠序所

狗最食人食而不知檢塗有餓莩而不知發人死則曰 教之中特重孝弟各有義也而於此益申明馬務令 本乎誠而不出於偽於是相觀而化無弗愛親敬長 大一統而王者未之有也王道之成盖如此權移小 少壮之黎民不機不寒則熙皞之風無弗歸向有不 民之事也夫教養兼行至於七十之老者衣帛食內 樂於代勞頌白之老者必不負戴於道路中矣此教 惠豈可即以為盡心耶

無罪歲斯天下之民至馬 非我也歲也是何異於刺人而殺之曰非我也兵也王 政則民已無常産乃反畜養狗彘使食人之食而不 此一節書言弊政害民欲其力行王政以得民也孟 死而塗有餓莩又不知發倉原而販救之是視倉原 愛惜檢制之是視民輕於物有以致民之死也追既 之不加多亦未思平日之所為何如耳盖王不行王 子又曰王不盡心於王道而徒移民移栗遂咎夫民

次已日華/LES 日韓孟子解義

金グロダノニ 力行王道而無歸罪於歲則天下之民方且來歸之 心也歲凶害之也夫如是則與以兵刺人而殺之乃 重於民無以救民之死也至於人死則曰非我不盡 移小惠不過雕虞之術而况弗能編耶此王霸之所 王未當無之但平日力行王政有備無患耳若被權 不遑豈但加多而已哉夫堯水湯早天災流行古聖 而其罪原不在兵民不加多而其罪亦不在歲王誠 曰非我殺之而兵刃殺之也何以異耶盖兵雖殺人

たこりら Ling 日韓孟子解義 食人也獸相食且人惡之為民父母行政不免於率獸 乎為其象人而用之也如之何其使斯民飢而死也 而食人惡在其為民父母也仲尼曰始作俑者其無後 曰庖有肥肉底有肥馬民有飢色野有餓莩此率獸而 以異乎日無以異也以刃與政有以異乎日無以異也 深惠王曰寡人願安承教孟子對曰殺人以徒與刀有 由分不可不辨也 一章書言虐政宜急去仁政宜急行也梁惠王因

金月巴居白電 事雖不同而致人之死亦一無以異也惠王之明盖 當行夫子之教我誠至矣然而善政多端惟夫子盡 曰殺人者或以兵刃或以虐政工者有以異乎王曰 問之曰殺人者或用挺杖或用兵刀二者有以異乎 言無隐寡人願安心受教馬孟子因其誠而設喻以 王曰器雖不同而致人之死則一無以異也孟子又 孟子之言有感於心曰小惠原屬無益而王道在所 卷十三

已有可教矣孟子遂直言之曰與一利不如除一害

葬者其人不仁之甚殆無後乎仲尼之惡之也為其 於挺刀之殺人也王亦知君國子民即為民之父母 肉底有肥馬在民則有饑餒之色在野則有餓死之 惡在其為民父母乎皆仲尼有言曰始作木俑以從 耶夫獸與獸相食人且見而惡之况人君為民父母 虐政除然後仁政可舉令王厚飲於民而使庖有肥 而不免於率獸食人是有子民之責而為殘民之事 人此何異於率獸而食人乎是虚政之害民正無異 1 日韓五子序覧

深惠王曰晉國天下莫强馬奧之所知也及寡人之身 務與 孟子以率獸食人為言正以侈心一啓而遂不免乎 民者止供其危肉底馬之用而民因以饑餓而死故 殺人仲尼猶且惡之沉實以虐政殘民使之饑餓而 象生人之形用之殉葬而涉於忍也夫象人未至於 死如之何其可哉盖戰國之君奢侈無度凡厚飲於 此也書曰慎乃儉徳惟懷永圖夫非恤民保邦之本

多定四库全書

百里而可以王 次年四車人主 人恥之願比死者一酒之如之何則可孟子對曰地方 東敗於齊長子死馬西喪地於秦七百里南辱於梦寡 敗之後志圖報復乃問於孟子曰我晉國當先王之 魏斯之後三分晉地故曰晉後遷於梁故曰梁因喪 時地廣兵衆天下稱强臭之所素知也及傳至寡人 此一章書言王業有可圖私怨不必報也深惠王本 之身東與齊戰敗績長子死馬西為秦人所侵喪失 十四

金ラロアと言 王如施仁政於民省刑罰薄稅斂深耕易耨壮者以服 為雄雖百里之地亦足致王於天下况以晉國之大 對曰王以敗績之後國勢已促難於雪恥乎誠發奮 獨不能一圖雪耶耶是在王加之意而已 乃猶不能自反而徒懷忿恨豈大勇所為哉孟子因 不知如何經畫而後可考惠王敗於三國皆其過舉 以為我先人羞寡人竊恥之令欲為先人一洗其辱 河内外之地七百里南又為楚所辱是皆寡人不競

王往而征之夫誰與王敵故曰仁者無敵王請勿疑 轉以養其父母父母凍餓兄弟妻子離散彼陷弱其民 制挺以撻春梦之堅甲利兵矣彼奪其民時使不得耕 日脩其孝悌忠信入以事其父兄出以事其長上可使 民有制而不股民生務令春而深耕不妨其耕夏而 里可王者乃以仁政決之也王如施仁爱之政於民 此四節書是言仁政足以無敵也孟子又曰臣言百 刑罰則省之用法常寬而不戕民命稅飲則薄之取

欠正J9 LL 日講五子解義

左

金岁口屋人門 **楚之堅甲利兵而謂可使制挺以撻之者盖以彼有** 外以此理事其長上夫民衣食既足皆知禮義一旦 易耨不妨其耨又使民之壮者於閒暇之日講明孝 兵之莫與敢者亦可使持挺而捷之况其他乎夫秦 有事必能親上死長有勇當先雖秦楚之大堅甲利 悌忠信之理使入而在家以此理事其父兄出而在 時彼奪之矣欲深耕易耨盡力農事以養其父母豈 可東之隙也彼煩刑重斂行不仁之政則民務農之

·飲定四事全書 日講五子解義 莫與之抗不在强弱大小也所謂地方百里而可以 古語有云仁者無敵正言一行仁政則天下歸心而 於水也如是而王帥其師徒往正其罪彼積怨之民 散而室家不相保是在彼之民始無異陷於井而消 也何雪恥之足云戰國時兵戈相尋率皆復讐構怨 王者盖以此王請勿疑於心斷然行之即以梁王可 必樂歸於我又誰肯出力用命以與王師相敵哉故 可得哉至於父母凍餓而衣食不能給兄弟妻子離 去

所畏馬卒然問曰天下惡乎定吾對曰定于一孰能 孟子見深襄王出語人曰望之不似人君就之而不見 之對曰不嗜殺人者能一之 分り ひんとう 此一章書言一統之業在於仁也皆梁惠王之子襄 **重長之慶則割之與守總在乎仁而已矣** 下無敵馬以其仁也觀周以積德累仁而遂有國作 王孟子嘗往見之以為行道討因其非有為之君乃 而民不勝其苦故以爱民為念而教養兼施者則天

為列國是以不定必歸於一統則干戈息而天下可 不忍為心而不嗜殺人者則天下歸誠自能一之矣 國攻伐相尋皆以嗜殺為事是以不能相一惟有以 定矣王又問令諸侯各為雄長孰能一統吾對曰列 日今諸侯争戰天下紛然将何所定吾對曰天下分 君之度及近而就之又不見有可畏者馬且卒然問 可以一見而决當吾之見嗣王也始望之既不似人 出而語人曰凡有為之主必表見於容貌詞氣之間

C こ)口 1.1.1 ■ 日海孟子样養

誠如是也民歸之由水之就下沛然誰能禦之 者也如有不嗜殺人者則天下之民皆引領而望之矣 多分四月全書 矣其如是孰能禦之今夫天下之人牧未有不嗜殺人 問早則苗稿矣天油然作雲沛然下雨則苗浡然與之 孰能與之對曰天下莫不與也王知夫苗乎七八月之 是知好生者天地之德則不嗜殺人非居中建極統 此二節書言人君以好生為心則天下無不悦而歸 萬方之要道與 卷十三

時當九早則苗皆枯槁此正待雨以潤之也天乃油 情殺人之主也王知夫田間之苗乎至七八月之間 然作雲沛然下雨将見苗之枯槁者無不浡然與起 於鋒鏑而不顧盖未有以仁爱為心而不嗜殺人者 矣苗之與也如是其孰得而止之乎夫民情猶物理 孰能舍彼歸此乎吾對曰天下雖大盖莫不歸於不 也今夫天下之君職在牧民乃皆以争關為事驅民 之也王又問曰今列國之民各統於其君受其禁制

火江の事人はち 一八日請孟子解義

ナ

金罗巴尼石電 来歸之勢自不容已殆猶水之就下沛然奔赴又孰 望願以為君亦如大旱之望雨矣望之誠切如是則 能從而禦之哉所謂天下莫不與者盖以此要之殺 也斯時也有一不嗜殺人者則天下之民皆引領而 古帝王仁的德博而猶有機寒由我之思夫亦善推 此不嗜殺人之心而已矣 人之事不持戰關為然凡足以害民生者皆是也故

齊宣王問曰齊桓晉文之事可得聞乎孟子對曰仲尼

之徒無道桓文之事者是以後世無傳馬臣未之間也 大己り与 Aisho 日講孟子解義 能禦也 無以則王乎曰徳何如則可以王矣曰保民而王莫之 徒以稱五霸為羞無有道桓文之事者是以後世無 宣王姓田氏名辟疆一日問於孟子曰在昔五霸迭 此一章書是言為人君者當點霸功而行王道也齊 可得而聞之乎盖子對曰臣所學者仲尼也仲尼之 興惟齊桓晉文名為特盛心竊慕之其所行之事亦

金河巴尼台電 曰若寡人者可以保民乎哉曰可曰何由知吾可也曰 莫不爱戴以之致王自莫之能禦也 王不能也有能以仁心仁政保安其民則天下之民 可以王天下失孟子曰天為民而立之君舍民而求 王道進齊王也王曰王天下者必有其德德何如則 必欲言之不已其惟有王天下之道乎此孟子欲以 所傳馬因無所傳故臣亦未之間此乃無可言者若

臣聞之胡戲曰王坐於堂上有牽牛而過堂下者王見

若無罪而就死地對曰然則廢釁鐘與曰何可廢也以 之日牛何之對日將以蒙鐘王日舍之吾不忍其觳觫 羊易之不識有諸曰有之曰是心足以王矣百姓皆以 王為爱也臣固知王之不忍也 徳不能若寡人者亦可以保民乎哉孟子對白可王 王之臣有胡齕者臣當聞其言曰王一日坐於堂上 日何由而知吾可以保民也孟子乃引事以証之曰 此二節書言保民不外於一心也王曰保民者非大

PED与 AIM 日韓五子解義

主

金发也是人工量 易之則鐘可釁而牛亦全矣臣聞胡龁之言如此不 鐘之事乎王曰釁鐘亦國之正典何可廢也但以羊 牽牛者曰王既不忍此牛則無從取血然則廢寝釁 其釁今有新鐘将殺此牛以釁之故奉以往也王曰 其舍之吾不忍其恐懼敵觫若無罪而就死地者然 知果有此事乎王見孟子述胡齕之言皆一一相合 牛将何所往牽牛者對曰新鑄之鐘必用牛血以塗 適有人牽牛而行過於堂之下王一見而遂問之曰

因而充之則全體大用自然及於天下者廣入於天 觸於目而感於心有所不忍而然也苟能因是心而 心遂從而開導之曰王天下之道不必遠求止此不 因直認之曰以羊易牛之事誠有之孟子見王有善 擴充之則保民而王何難哉盖不忍之心仁之端也 王惜費而愛財惟臣則知王之心乃因牛觳觫之状 而無不足矣但百姓愚昧見王以羊易牛之事皆以 忍殺牛之心即可以惠懷萬民覆冒四海以之致王

とこうう ころう 一日海孟子鮮茂

金定四庫全書 生不忍見其死間其聲不忍食其肉是以君子遠庖廚 也是乃仁術也見牛未見羊也君子之於禽獸也見其 罪而就死地則牛羊何擇馬王笑曰是誠何心哉我非 其散練若無罪而就死地故以羊易之也曰王無異於 爱其財而易之以羊也宜乎百姓之謂我爱也曰無傷 百姓之以王為爱也以小易大彼惡知之王若隐其無 王曰然誠有百姓者齊國雖禍小吾何爱一牛即不忍 下者深而天下歸仁矣故易曰君子體仁足以長人

齊雖福小之國然一牛之費吾何爱馬止為牛觳觫 豈百姓之所知哉孟子從而詰之曰百姓以王為爱 百姓皆以為愛之言乃曰然以羊易牛形迹之間似 乎吝惜誠有如百姓之議我者但我之心初不如是 此三節書是孟子以仁析尊齊王也維時齊王一聞 之状若無罪而就死地甚為不忍故以羊易之耳此

火江 9年人山上 日蔣五子群表

王無足怪異也以羊之小而易牛之大其迹涉有可

惜其財而易之以羊者果何謂也自為之而且不能 子欲王察識而自得其本心也而王不能自解但笑 **疑王之心被惡得而知之王果隐痛其觳觫若無罪** 解之曰以小易大雖無解於百姓而實則無傷也當 曰當日以羊易牛之時誠何心哉及今思之我非爱 而就死地則牛無罪羊亦無罪其何所分別乎盖孟 解况百姓平宜乎百姓之議我為爱也孟子乃從而 王之不忍敵觫者乃王之仁也而釁鐘之典又不可

多少見人

聲即不忍食其肉是其仁也至禮不可廢而有不得 忍之心也王以羊易牛正是仁術即百姓以王為爱 禽獸也見其平日之生即不忍見其死間其哀死之 則不忍之心未形於難處之中而為兩全之法此所 廢於是不得已而以羊易之是乃仁之術也何也牛 已見而羊未見也既見牛則不忍之心已發未見羊 不用者則身遠庖廚而不使接於見聞乃以養此不 以謂之仁術也若君子者豈非善於行仁者哉其於

欠了1951 Aldis 1 日講孟子解義

之不見為不用明馬百姓之不見保為不用思馬故王 見與新則王許之乎曰否今恩足以及禽獸而功不至 金罗卫屋台灣 於百姓者獨何與然則一羽之不舉為不用力馬與薪 此心之所以合於王者何也曰有復於王者曰吾力足 行之反而求之不得吾心夫子言之於我心有戚戚馬 以舉百釣而不足以舉一羽明足以察秋毫之末而不 王說曰詩云他人有心予忖度之夫子之謂也夫我乃 何傷乎 卷十三

之類也 Pに19日 10日 → 日講孟子解義 之不王非挾泰山以超北海之類也王之不王是折枝 為長者折枝語人曰我不能是不為也非不能也故王 以異曰挟泰山以超北海語人曰我不能是誠不能也 之不王不為也非不能也曰不為者與不能者之形何 言而說曰詩小雅巧言之篇有云他人有心予忖度 而得之正夫子今日之謂也盖以羊易牛之事乃我 此三節書是勉齊王奮發為仁之意宣王聞孟子之

金岁中屋台雪 能舉以我之明秋毫之末足以祭之而與新則不能 我心猶有戚戚然不忍之意馬但此心甚微王道甚 白於王者曰以我之力百釣足以舉之而一羽則不 心而尚昧夫擴充之義孟子乃設喻以難之曰今有 大夫子謂有合於王者果何在也此宣王雖有得於 見在王亦信而許之乎王曰否夫人既能舉重豈不 夫子以見牛未見羊之故言之於我始覺恍然及令 所行也及反而求之而所以易之之心竟不可得幸

然則一 獨不至於百姓是不舉一羽不見與新也其故何與 能舉輕既能見小豈不能見大此不可許也孟子因 不見保亦但不用恩耳一用恩則亦不難也夫既不 與薪之不見但不用明耳一用明則不難也百姓之 已足以及禽獸是能舉百釣察秋毫也而保安之功 迥乎不同而加思則有難易之別令王以羊易牛思 而曉之曰王如知此又何民之不能保耶盖人與物 羽之不舉者但不用力耳一用力則不難也

して ヨラ ハニ

1 日講孟子鮮美

欲為之亦止此爱牛之心推廣之而已所謂是心足 用恩以保民何以致王而不知苟一用思初非難事 下必無之事苟以此而語人曰我不能是誠不能也 形可易見也如挟泰山之重以超北海之廣此乃天 分别然其形状果何以異乎孟子曰不為與不能之 王者盖以此也王又問曰夫子言不為與不能似有 也故王之不王乃能為而不為非欲為而不能也倘 非能為而不為也至於奉長者之命而折取草木之 卷十三

金定四月全書

掌詩云刑于寡妻至于兄弟以御于家邦言舉斯心加 諸彼而已故推恩足以保四海不推恩無以保妻子古 老吾老以及人之老幼吾幼以及人之幼天下可運於 是乃折枝之類亦但不為耳王可不因而自勉乎 其不為之也非為之而不能也不為與不能之形有 枝此乃天下最易之事若以此而語人曰我不能是 如此今王有不忍於牛之心即此推之自可保民而 王然而不王者非挾泰山以超北海之類實有不能

一大にり事人は前一人日韓五子解義

重度然後知長短物皆然心為甚王請度之 足以及禽獸而功不至於百姓者獨何與權然後知輕 之人所以大過人者無他馬善推其所為而已矣今思 金グログノー 於此盡其慈愛是幼吾幼而即推幼幼之心以及於 之老也於此盡其孝弟是老吾老而即推老老之心 不王猶如折枝正以為之甚易耳如吾有父兄乃吾 此二節書言恩當推而心當度也孟子曰臣謂王之 以及於人使人皆得老其老吾有子弟是吾之幼也

たこ19 bl /idin | 日講孟子解義 則雖四海之大皆為吾所覆冒足以保之而無難茍 者則謂之恩故為人君者誠能推此心以施恩於人 治國雖若甚難然不過舉斯不忍之心以加彼寡妻 于寡妻因及于兄弟以御治于家邦盖言文王齊家 上有何難哉詩大雅思齊之篇云文王之德能刑法 兄弟以及家邦而已夫存諸己者謂之心而施諸人 人之心以推廣之則指諸一世者止如運於手掌之 八使人皆得幼其幼舉天下之老老幼幼不過吾

多戶口周台書 於仁民仁民而及於爱物由此心而善推之其施為 從来物質不同莫能懸揣必用權而後知其輕重用 大相反矣獨何故與盖王亦未當取其心而度之耳 不至於百姓則是先後無序與古人之善推所為者 之間得其先後之序而已矣今思足及禽獸而功乃 功偉業所以大過於人者無他道也亦但親親而及 所亦不足以保之矣而况四海乎是故古帝王之豐 不推此心以施恩於人則雖妻子至近彼必不能得 卷十三

抑王與甲兵危士臣構怨於諸侯然後快於心與王曰 甚馬盖心無權度則是非利害之際顛倒錯亂非止 有序而百姓自當亟保矣 輕且短乎試於輕重長短之間一為較量則施恩必 姓王請度之不幾爱物之心重且長而仁民之心反 權度者至於心則應事接物酬酢萬端其所関為尤 度而後知其長短凡物皆然未有任其差謬而不用 物之差謬也今恩足以及禽獸而功則不至於百

たこう日 Citato 一日講孟子解義

所欲猶緣木而求魚也 欲辟土地朝秦楚益中國而撫四夷也以若所為求若 為是哉曰否吾不為是也曰然則王之所大欲可知已 便嬖不足使令於前與王之諸臣皆足以供之而王豈 得聞與王笑而不言曰為肥甘不足於口與輕煖不足 於體與抑為采色不足視於目與聲音不足聽於耳與 否吾何快於是将以求吾所大欲也曰王之所大欲可 此三節書是孟子欲王自度其心而先代為之度也

卷十三

於一牛者而獨忍於萬命何不取而度之也王曰否 者抑王欲與甲兵以示威置戰士武臣於危地因而 吾何快此三者特以有大欲故不得不以此求之耳 結響怨於諸侯然後快於心與尚以是為快是不忍 孟子聞齊王大欲之言因探之曰王之所謂大欲者 孟子曰以王爱物之心甚於爱民而失其輕重長短 可使臣得而聞之與時齊王之大欲有難以語人者

たこう Lotain 日 日韓五子群義

但笑而不言孟子乃武之曰王之大欲豈為肥甘之

多定四月夕言 美味不足適於口與輕緩之美衣不足適於體與抑 子曰王不為此而求則所謂大欲者可得而知矣殆 於耳之聽與近習便嬖之人不足以使令於前與若 為華采之美色不足於目之視與皷吹之聲音不足 欲土地令之開辟秦梦使之來朝臨在中國安撫四 夷成一統之威而始遂所欲耳然有大過人之欲須 王之所求者豈為是哉王曰否吾不為是而求也孟 止此數者則王之諸臣皆足以供王之欲而不乏而 卷十三

久已9年人上上 · 日韓孟子解義 後災以若所為求若所欲盡心力而為之後必有災曰 王曰若是其甚與曰殆有甚馬緣木求魚雖不得魚無 以敵彊海内之地方千里者九齊集有其一以一服 日然則小固不可以敵大寡固不可以敵衆弱固不可 可得聞與曰鄒人與楚人戰則王以為孰勝曰楚人勝 亦可以自審矣 外之欲是猶緣林木而求水中之魚也豈可得哉王 有大過人之為若止以與兵構怨之為而求一統無 主

何以異於都敵楚哉盖亦反其本矣 金月でたろう 甚殆有甚於是者馬緣木求魚不過不得魚而已後 所謂後必有災者可得聞之與孟子曰後災之說亦 力而為之不惟無功而且名禍有必不可免者王曰 日尚無災悔若以與兵之為求一統之欲雖盡心竭 雖未返得豈至如緣木求魚之甚乎孟子曰是豈為 此一節書是孟子欲王反本也王曰與兵以求大欲 以天下之勢必之耳今如鄒人與楚人交戰以王揆

勢論之何異於鄉之敵楚耶此臣所謂後必有災也 敵兵力之强豈非昭然可見者哉令計海内之地為 敢者勢也王既知之則凡勝敗之形夫亦可以預定 方千里者有九區馬齊國集合其地止有九區之 寡者固不可以敢人民之衆兵力之弱者固不可以 矣然則國土之小者固不可以敵國土之大人民之 以九區之一而欲服海内之八以大小衆寡强弱之 之則以為孰勝乎王曰楚人勝孟子曰鄒焚之不相

PiEの Line ■ 日講孟子解義

幸二

能樂之 多月口尼人門 欲耕於王之野商賈皆欲藏於王之市行旅皆欲出於 王之塗天下之欲疾其君者皆欲赴應於王其如是孰 令王發政施仁使天下仕者皆欲立於王之朝耕者皆 本乎反本則不論勢而論理不以力而以德所欲者 不求而自遂兵 王若求遂所欲慎不可以與兵構怨為也盖亦反其 一節書言反本在於行仁也孟子曰所謂反本者

藏於王之市凡行旅者知王之道途不滞告欲出於 皆欲立於王之朝天下之耕者知王之野可以安業 若或使之矣将見天下之仕者知王之朝可以行道 欲來赴王所而想其苦是歸仁之誠出於心之同然 皆欲耕於王之野為商買者知王之關市無征皆欲 王之塗天下有苦其君之虚政而望王之救之者皆 不忍之仁則仁恩所感皆歸心向化非有以使之而 亦惟此不忍之仁而已今王發之於政者皆以施吾

欠三日事上三 ●日講五子群義

圭

則大欲可遂而無事與兵構怨為矣 也其如是殆猶水之就下亦孰得而禁止之乎至此 卷十三

民則無恒産因無恒心茍無恒心放辟邪侈無不為己 雖不敏請嘗試之曰無恒産而有恒心者惟士為能若 王曰吾惛不能進於是矣願夫子輔吾志明以教我我

及陷於罪然後從而刑之是罔民也馬有仁人在位問

民而可為也是故明君制民之産必使仰足以事父母

俯足以畜妻子樂歲終身飽凶年免於死亡然後驅而

之善故民之從之也輕 禮義自出此一定之理也若不假恒産而自有禮義 我智識昏昧不能速進於此願夫子輔導吾志凡政 指實之曰仁政先於保民保民先於制産盖産制而 之何以發仁之何以施明以教我我雖不敏未能行 此三節書言恒産之不可不制也齊王感於發政施 之盡善然請當試而為之以副夫子之教馬孟子乃 仁之言請教於孟子曰致王之道誠不外於仁政但

C:1可良 / 日講孟子解義

金丘四月全書 義之外凡放荡偏辟那枉淫侈之事無不為之矣及 民愚而以法固之也馬有保民之仁人既在位而操 以此而陷於罪戾為人君者然後加以刑辟馬是欺 無禮義之恒心矣苟無恒心則将不顧廉耻出於禮 之恒心者惟勤學問知禮義之士人為能然若無知 明君也知夫民無恒心由無恒産而以制民之産為 得為之勢忍為此罔民之事乎是故仁人而在位即 之民一無恒産無所依籍則未免為機寒所迫而因 卷十三

一歲終身苦凶年不免於死亡此惟救死而恐不膽美暇 今也制民之産仰不足以事父母俯不足以畜妻子祭 善則心無苦累禮義自生其從善也自輕易而不難 矣此所謂有恒産而有恒心故明君以制産為急也 用度有餘可以終身飽煖年之凶歉也有備無患可 不憂貧俯足以畜其妻子而不告之歲之豐而樂也 急馬度民分地計口授田必使仰足以事其父母而 以免於死亡此可謂有恒産矣然後驅策之以歸於

少江上口事人上生 ●日請五子解義

丰

之有也 道路矣老者衣帛食肉黎民不飢不寒然而不王者未 者可以食肉矣百畝之田勿奪其時八口之家可以無 桑五十者可以衣帛矣難豚狗彘之畜無失其時七十 治禮義哉王欲行之則盍反其本矣五畝之宅樹之以 飢矣謹庠序之教申之以孝悌之義頒白者不負戴於 孟子又曰明君制産其盡善既若此而今也則不然 此三節書言制民之産當有法乃可以保民而王也

全元DUTE ATTIME

禮義哉無恒産而無恒心所必然也王若則然於心 歲亦終身困苦一遇凶歉之年則輾轉流離不免死 為之宅使樹桑牆下以供蠶事則終帛不缺而五十 欲行仁政則何不反求其本而以制民恒産為急耶 亡若此者雖皇皇救死尚恐不足安有暇日以講習 不足以事其父母下又不足以畜其妻子雖豐樂之 産非不制也而古法不存追呼日迫為之民者上既 而制産則固有法矣一夫百畝之外又授地五畝以

大に口事 Aitan 一日講孟子解義

時則七十者可以食肉而飽美百畝之田勿奪其耕 者可以衣吊而煖矣雞豚狗彘之畜無失其孕字之 於代任領白之人必無負且戴於道路者矣夫制産 愛敬之誠皆出於心之不自己将見尊長之勞皆樂 特重孝弟而申明其義馬由是人知教化恒心以生 恒産之法也於是該為库序而謹慎其教又於教中 耨收穫之時八口之家可以食之而無熊餒矣此制 有法以至老者衣帛食肉無負戴之勞黎民不機不

尺·1.19·01 / / 日講孟子群義 能無者盖以此也區區桓文之事何足道哉戰國之 然而立言切實確可施行非帝王治平之良法與 百姓初無難也孟子反覆開導在齊王雖送而不 謂不能王天下者未之或有臣所謂保民而王莫之 寒知孝弟之義此即熙熙皞皞三代威王之風也而 是影圖霸功而不言王道盖以王道為難行耳不 忍之心人皆有之但即此一念之微而推思於 幸

金贝巴厚全書 卷十三